

Awe Corte Superior ta bay dicidi kico ta haci cu homber cu a destrui imagen di Mama Maria den Kapel di Alto Vista

ORANJESTAD(AAN) -- Ayera mainta Corte Superior a trata e caso cu Elviro Justiano Joung a apela. Joung a apela e decision di Corte di Promer Instancia cu a ordena pa Joung haya tratamento pa un periodo di 1 aña den un institucion esta Paaz. Ta asina cu Joung no kier bay Paaz y no kier tuma remedi.

Ayera mainta el a admiti dilanti Corte Superior cu dia 11 di Mei 1997 el a destrui cu un machete e imagen di mama Maria den Kapel di Alto Vista. Segun Joung el a haci esaki pa motibo di venganza contra e personanan cu ta blo persigui'e. Presidente di Corte Superior a bisa Joung cu esey no ta hustifica pa e bay kibra cos.

Presidente di Corte Superior a muestra cu si Joung tuma remedi lo yuda Joung hopi. Sin embargo Joung ta di opinion cu e no kier tuma remedi pasobra e no ta haya cu e ta malo. El a bay un dia Paaz pero e mes a pidi pa e bay bek KIA caminda actualmente e

ta encarcela. E tin mas cu 11 luna encarcela y ainda e no ta hayando tratamento. Joung por cierto ta un pintor. Den KIA e ta pinta cara di e presonan y nan ta pag'e. Segun su carichi di castigo, den pasado Joung a yega di destrui cos di hende.

Procurador General interino mr. Tomesen a bisa Corte Superior cu pasobra Joung no por para responsabel pa su accionan e ta haya cu e mester worde interna den un institucion. Paaz no ta haya responsabel pa duna Joung tratamento den KIA y nan no kier trata Joung contra su voluntad. Mr. Tomesen ta kere cu Joung mester worde interna den Paaz.

Abogado Flanders a bisa Corte Superior cu Aruba no tin institucion pa trata Joung. Paaz no ta e lugar adecua pa trata Joung. E unico cos cu por haci ta mand'e na un institucion na Hulanda. E ta haya cu e sentencia di Corte den Promer Instancia no por worde checuta. Joung kier

haya su libertad pa e sigui pinta. Flanders a muestra cu psychiatrist a bisa bon cla cu no por obliga Joung tuma remedi. E ta kere cu e solucion

lo ta pa laga Joung den libertad. El a bisa Corte Superior cu Joung su mama cu ta biba na Merca ta dispuesto pa tuma Joung. Flanders no ta

haya KIA, cu por cierto ta yen yen, e lugar adecua pa Joung. Corte Superior a cera tratamento di e caso y awe mainta nan lo dicta sentencia.

Invitacion pa secretarianan di Aruba pa un Seminario

ORANJESTAD [AAN] Aruba Sonesta Resorts na Seaport Village ta celebrando e Siman di Secretaria. Fuera di e Secretary's Luncheon na Seaport Conference Center e Aruba Secretaries Association y Aruba Sonesta Resorts ta invitando tur secretaria di Aruba pa participa den un Meeting Plan Seminar, diasabra 25 di April. E seminario aki lo tuma lugar den Seaport Conference Center di 9'or di mainta pa atardi.

Tur secretaria cu e involvi

den planea reunionnan, training, conferencia o celebracionnan pa nan compania ra bonbini.

Atendiendo e seminario lo hasi e trabao mas facil den futuro pa organiza o set up un evento pa negoshi su proposicionan. Cuatro orador lo tye pa splica e secretonan di con pa organiza y planea un reunion.

Secretarianan por registra pa e Meeting Planning Seminar aki durante e Secretaries Luncheon diaranzon 22 di

April o yega den contacto du Nick van der Meulen na Seaport Conference Center na 836000 ext.4103. Participacion di e seminario ta gratis pa tur secretaria, cortesia di Aruba Sonesta Resorts y Seaport Conference Center. Na fin di e seminario tur participante lo ricibi un certificado, reconoci pa Aruba Secretaries Association, Aruba Sonesta Resorts y Seaport Conference Center deseando tur secretaria un Happy Secretary's Week.

R.E. Yrausquin & Sons N.V.



From comfy to eye-popping



Elantra

2.0 liter. 16 valves Automatic
Air Conditioner, AM/FM cassette, Power Locks
& windows, keyless entry w/alarm

Starting from Afl. 29.950,-

Coupe "TIBURON"

2.0 liter. 16 valve EFI 4 cyl. Automatic
Air Conditioner, AM-FM radio cassette, Power windows & locks,
Keyless entry w/alarm, leather seats.

Starting from Afl. 37.600,-

And our *Free* **Total Package**



Free 4 x Service pa bo auto
Free 4 x Car Wash
Free Gasoline bon (2 x Afl. 25.-)
Free 1 x Set di Floor Mats
Free Key Chain
10% descuento ariba piesanan

Y ademas descuento special pa:
15% ariba Stereo Set di RAM's
20% ariba produccionan pa cuido di auto na Coastal Palm Beach
Inscripcion gratis na Body Friction
10% descuento na MCM

Nos ta tuma auto segunda mano aña 94 of mas nobo di tur marca como parti di pago

MAS DI 25 AÑA NA SERVICIO DI ARUBA

L.G.Smith Blvd. 112. Oranjestad - Tel: 823475 Horario: dialuna pa diabierna: 8'or mainta - 5:30 atardi y Diasabra: 9'or mainta - 1'or atardi